



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-648-5/22**
Datum: **04.01.2023.godine**

«Agencija za vodno područje rijeke Save» Sarajevo rješavajući po zahtjevu pravnog lica „SEMIKEM“ d.o.o. Sarajevo, za donošenje rješenja o vodnoj dozvoli za ispuštanje tehnoloških otpadnih voda iz pogona za proizvodnju laboratorijskih reagenasa, kozmetike, dodataka za prehranu i čajeva izgrađenog u ulici Omladinska 44, općina Vogošća, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), donosi:

RJEŠENJE **o vodnoj dozvoli**

1. Pravnom licu „SEMIKEM“ d.o.o. Sarajevo, daje se vodna dozvola za ispuštanje tehnoloških otpadnih voda iz pogona za proizvodnju laboratorijskih reagenasa, kozmetike, dodataka za prehranu i čajeva, izgrađenog u ulici Omladinska 44, općina Vogošća, na zemljištu označenom kao k.č. broj: 2019/1, 2000/6, 2000/7 i dio 2000/2 K.O. Vogošća.
 2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
 3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da pravno lice „SEMIKEM“ d.o.o. Sarajevo, obezbijedi da se sistem za prikupljanje, prečišćavanje i ispuštanje otpadnih voda kao i objekti izgrađeni u krugu proizvodnog pogona za proizvodnju laboratorijskih reagenasa, kozmetike, dodataka za prehranu i čajeva, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Čišćenje bazena za neutralizaciju i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetnog poslovnog objekta može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 15. i 21. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati

- referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.5. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
 - 3.6. Na predmetnoj lokaciji nije dozvoljeno indirektno ispuštanje otpadnih voda u podzemne vode.
 - 3.7. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, Korisnik je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnim objektima sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 10. Ova vodna dozvola, shodno članu členu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
 12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „SEMIKEM“ d.o.o. Sarajevo, zahtjevom bez broja zaprimljenim 05.12.2022 godine u ovoj Agenciji za donošenje rješenja o vodnoj dozvoli za ispuštanje tehnoloških otpadnih voda iz pogona za proizvodnju laboratorijskih reagenasa, kozmetike, dodataka za prehranu i čajeva, izgrađenog u ulici Omladinska 44, općina Vogošća, na zemljištu označenom kao k.č. broj: 2019/1, 2000/6, 2000/7 i dio 2000/2 K.O. Vogošća.

U provedenom postupku dostavljena je i pregledana sljedeća dokumentacija:

- A. Opšta dokumentacija
- Aktuelni izvod iz sudskog registra broj: 065-0-RegZ-22-010293 od 30.09.2022. godine, izdatog od strane Općinskog suda u Sarajevu- kopija,
 - Kopija uplatnice administrativne takse,
 - Kopija Rješenja o vodnoj dozvoli broj: UP-I/25-3-40-749-4/17 od 17.01.2018. godine izdata od strane Agencija za vodno područje rijeke Save“ Sarajevo,

- Rješenje o urbanističku saglasnost broj: 05-23-457/13 od 28.02.2013 god. izdato od strane Službe za urbanizam i prostorno planiranje, imovinsko pravne i stambene poslove, Općina Vogošća,
- Rješenje o građevinskoj dozvoli broj: 05-23-1634/13 od 27.06.2013. god. izdato od strane Službe za urbanizam i prostorno planiranje, Općina Vogošća,
- Rješenje o upisu u registar veletrgovaca medicinskih sredstava broj: 10-07.58-3484-1/13 od 11.10.2013 godine izdato od strane Agencije za lijekove i medicinska sredstva BiH,
- Ugovor o sakupljanju, obradi i zbrinjavanju opasnog otpada broj: 880-01/20 od 11.12.2020 godine zaključen za ovlaštenom firmom „KEMEKO BH“ d.o.o. Lukavac,
- Izvještaji o monitoringu kvaliteta i kvantiteta otpadnih voda broj: 1155/22, august 2022. godine urađen od strane „Inspekt-RGH“ d.o.o. Sarajevo,
- Rješenje o odbijanju broj: 10-07.12-4-5817-1/18 od 13.06.2019 godine izdato od strane Agencije za lijekove i medicinska sredstva BiH,
- Rješenje broj: 05-37-2335-4/14 od 18.08.2014 godine izdato od strane Federalnog ministarstva zdravstva,
- Rješenje broj: 05-37-2327/09 od 22.10.2009 godine izdato od strane Federalnog ministarstva zdravstva,
- Zapisnik o inspekcijskom nadzoru broj: UP1-14-25-2-00050/2019-028-P-028-1-P od 20.08.2019 godine sačinjen od strane Federalnog vodnog inspektora,
- Zapisnici inspekcijskih nadzora od strane drugih nadležnih organa.

B. Tehnička dokumentacija

- Glavni projekat prikupljanja i tretmana otpadnih voda iz pogona firme „SEMIKEM“ d.o.o. Sarajevo, urađen od strane „ES HYDROTECHNICS“ d.o.o. Sarajevo juni 2013. godine- kopija,

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz starog Rješenja o vodnoj dozvoli, zatraženo je očitovanje Službe za naplatu prihoda (vodnih naknada) ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za naplatu prihoda (vodnih naknada) od 14.12.2022. konstatovano je da je podnosilac zahtjeva uredan obveznik plaćanja posebnih vodnih naknada.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/25-3-40-648-4/22 od 27.12.2022. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Predmetni poslovni kompleks koji se sastoji od objekata za proizvodnju laboratorijskih reagenasa, kozmetike, dodataka za prehranu i čajeva, izgrađen je u ulici Omladinska 44, općina Vogošća, na zemljištu označenom kao k.č. broj: 2019/1, 2000/6, 2000/7 i dio 2000/2 K.O. Vogošća.

Poslovni objekat se sastoji od sljedećih cjelina: skladišta hemikalija i repromaterijala, prostorije za pripremanje preparata i laboratorija.

Osnovna djelatnost firme „SEMIKEM“ d.o.o. Sarajevo-pogon u Vogošći je proizvodnja i pakovanje i to: laboratorijskih reagenasa, kozmetike, dodataka za prehranu i čajeva.

U predmetnom poslovnom objektu je zabranjena proizvodnja medicinskih sredstava zbog neispunjavanja propisanih uslova.

U proizvodnom pogonu se vrši miješanje hemijskih reagenasa i pretakanje u manja pakovanja.

Tehnološke vode nastaju u proizvodnji od pranja suđa i opreme za proizvodnju i laboratorije. Iste se skupljaju u sabirni bazen zapremine 1 m³ u koji se dodaje sredstvo za neutralizaciju. Prečišćena otpadna voda se ispušta u fekalni kanalizacioni odvod u podrum objekta i odvodi u gradski kanalizacioni sistem sa ispuštom u rijeku Vogošću.

Produkcija tehnoloških otpadnih voda svedena je na minimum u cilju povećanja iskorištenja i smanjenja troškova.

Prostorije proizvodnih pogona i za skladištenje opasnog otpada su popločane sa keramičkim pločicama. Podnosilac zahtjeva ima zaključen Ugovor o sakupljanju, obradi i zbrinjavanju opasnog otpada broj: 880-01/20 od 11.12.2020 godine zaključen za ovlaštenom firmom „KEMEKO BH“ d.o.o. Lukavac

Izveštaji o ispitivanju kvaliteta otpadnih voda sa lokacije poslovnog objekta za proizvodnju laboratorijskih reagenasa, kozmetike, dodataka za prehranu i čajeva broj: 1155/22, august 2022. godine urađen od strane „Inspekt-RGH“ d.o.o. Sarajevo, pokazuju da su vrijednosti parametara efluenta u skladu sa dozvoljenim vrijednostima propisanim Uredbom.

Podnosilac zahtjeva je pokrenuo postupak pribavljanja okolinske dozvole za predmetni poslovni objekat od strane nadležnog organa.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama, člana 3. tačka s) i članova 19., 20. i 21. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva, „SEMIKEM“ d.o.o. Sarajevo, ispunio minimum uslova za izdavanje vodne dozvole za ispuštanje tehnoloških otpadnih voda iz pogona za proizvodnju laboratorijskih reagenasa, kozmetike, dodataka za prehranu i čajeva, izgrađenog u ulici Omladinska 44, općina Vogošća, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- „SEMIKEM“ d.o.o. Sarajevo, Omladinska 44, Vogošća
- AVP Sava, ISV-vodna knjiga
- Org.jed. 50
- ☉ Org.jed. 40-arhiva
- Oglasna tabla AVP Sava Sarajevo